



東方往樓船將軍楊僕出武林中尉王温舒出梅嶺  
元封元年冬咸入東越繇王居股殺餘善降於是天  
子曰東越陜多阻閩越捍數數反覆詔徙其人處江  
淮間東越地遂虛即今閩州地也為封餘善東越王遂謂之東越

杜氏通典卷第一百八十六終

杜氏通典卷第一百八十七

邊防三南蠻上

序畧

盤瓠種

廩君種

板楯蠻

南平蠻

東謝

西趙

牂牁

交州

僚

夜郎國

滇音顛

邛都

笮都

冉駝

附國

哀牢

焦僥

檀國

西爨

昆彌

尾濮

木綿濮

文面濮

折腰濮

赤口濮

黑髮濮

松外諸蠻

序畧

南蠻其在唐虞與之要質故曰要服夏商之時漸為  
 邊患暨于周代黨眾彌盛故詩曰蠢爾蠻荆大邦為  
 讎至楚武王時蠻與羅子共敗楚師殺其將屈瑕莫  
 不設備故敗縊于荒谷群帥囚于治父楚師復振遂屬於楚及吳起相  
 悼王南并蠻越遂有洞庭倉梧之地今長沙衡陽等郡地秦昭  
 王使將伐楚畧取蠻夷置黔中郡今武陵澧陽及黔中五溪中諸郡地  
 漢興以後時有寇盜其西南諸夷夜郎之屬悉平定  
 置郡縣今夜郎播州捷為即古夜郎地公孫述時夜郎大姓為漢保  
 境後漢初從番禺江奉貢光武建武中武陵蠻帥單

程今武陵澧陽黔中寧夷瀘溪等郡即漢武陵郡大寇郡縣漢將劉尚戰敗

數歲方平順帝時武陵太守增其租賦蠻又舉種反

殺鄉吏東晉時沔中蠻因劉石亂後漸徙於陸渾以

南偏湄山谷宋齊以後荆雍二州今荆南江陵郡雍州襄陽郡各

置校尉以撫寧之群蠻酋帥互受南北朝封爵至後

魏末暴患滋甚僭稱侯王屯據峽路斷絕行旅周武

帝遣陸騰大破之其獠初因屬李勢亂後自蜀漢山

谷出侵擾郡縣至梁時州郡每歲伐獠以自利及後

周平梁益漢梁州蜀益州自爾遂全華人矣以其黔中東謝

西謝自古不臣中國大唐貞觀以後置羈縻州領之

盤瓠種

盤瓠種昔帝嘗時患大戎入寇乃訪募天下有能得

犬戎之吳將軍頭者妻以少女時帝有畜狗名曰盤

瓠遂銜其將軍首而至乃以女配之按范曄後漢史

不經大抵諸家所序四夷亦多此類未詳其本出且

因而商畧之曄云高辛氏募能得大戎之將軍頭者

購黃金千鎰邑萬家妻以少女按黃金周以前為斤

秦以二十兩為鎰三代以前分土自秦漢分人又周

未始有將軍之官其吳姓宜周命氏曄皆以為高辛

之代何不詳之甚又按宋史曄被收後於獄中與諸

甥姪書自序云六夷諸序論筆勢放縱實天下之奇

作其中合者往往不減過秦篇嘗共此方班氏非但

不愧之而已按班賈序事豈復語恠而

曄紕繆若此又何不減不愧之有乎

走入南山在國之南山即止石穴中生六男六女因自

相夫妻織績木皮染以草實好五色衣服製裁皆有

尾形衣裳斑蘭語言侏離其後滋蔓號曰蠻夷有邑

君長名渠帥曰精夫相呼為妣徒說文曰妣女人所

居皆深山重阻人迹罕至長沙黔中五溪蠻皆是也

一辰溪二酉溪三巫秦昭王使白起伐楚畧取蠻夷

始置黔中郡漢興改為武陵郡今武陵澧陽黔中寧

陽郡地歲令大人輸布一疋小口二丈是謂賁布說

賦才冬反雖時為寇盜而郡國討平之後漢光武建

武二十三年十二月武陵蠻精夫相單程等大寇郡

縣遣武威將軍劉尚發南郡今江陵巴長沙今長沙

衡陽巴

武陵今豐陽武陵兵萬餘人乘船泝流自沅水入

武溪擊之沅水出牂牁故且蘭東北經靈溪長沙巴

陵郡入洞庭通江也武溪在今盧溪即靈

縣尚輕敵深入悉為所沒又遣伏波將軍馬援將兵

至臨沅今武陵郡武陵縣擊破之單程等饑困乞降

會援病卒謁者宗均為置吏以司之群蠻遂平歷章

和安順四朝累反叛攻劫州郡討平之永和初武陵

太守上書以蠻夷率服可比漢人增其租賦議者皆

以為可尚書令虞詡獨奏曰自古聖王不臣異俗非

德不能及威不能加其獸心貪婪難率以禮是故羈

縻而綏撫之附則受而不逆叛則棄而不追先帝舊

典貢稅多少所由來久矣今猥增之必有怨叛計其

所得不償所費帝不從其冬澧中淩中蠻淩水出今澧陽郡縣

淩音果爭布非舊約遂殺鄉吏舉種反自後至桓靈

二帝又累反叛攻劫州郡討破之蜀先主章武初吳

將李異屯巫秭歸今巴東郡縣秭音子先主遣將軍吳班攻破

之於是武陵五谿蠻夷相率響應今黔中道謂之五谿

### 廩君種

廩君種不知何代初巴氏樊氏暉氏音審相氏鄭氏五

姓皆出於武落鍾離山今夷陵郡巴山縣其山有赤黑二穴

巴氏之子生於赤穴四姓之子皆生黑穴未有君長

共立巴氏子務相是為廩君從夷水下至鹽陽按今夷陵

郡巴山縣清江水一名夷水一名鹽水其源出清江郡清江縣西都亭山廩君居於平夷

城四姓皆臣之巴梁間諸巴皆是也即巴漢之地按

四姓之子未有君長俱事鬼神乃共擲劍於石穴約能中者奉以為君務相乃獨中之又令各乘土船約

能浮者當以為君餘姓悉沉唯務相獨浮因共立之是為廩君乃乘土船從夷水下至鹽陽鹽水有神夕

謂廩君曰此地廣大魚鹽所出願留其居廩君不許  
鹽神暮輒來宿詰朝即化為虫與諸虫群飛掩蔽日  
光天地晦冥積十餘日廩君伺其便因射殺之天乃  
開明廩君於是居於夷城四姓皆臣之廩君死寃鬼  
化爲白虎巴氏以虎飲人血故戰國時秦惠王并巴  
以人祠焉是皆恠誕以此不取戰國時秦惠王并巴

中以巴氏爲蠻夷君長其人歲出賦二千一十六錢

三歲一出義賦千八百錢其人戶出幪布八丈二尺

鷄羽三千鍬說文曰幪布南軍蠻夷布也幪音公亞  
反毛詩四鍬既均儀禮鍬矢一乘鄭玄

日鍬猶候也候物而射之漢興南郡太守靳强奏請  
三十鍬百二十也鍬音候

一依秦時故事至光武建武二十三年南郡奏屠音

山蠻雷遷等始反叛武威將軍劉尚討破之徙其種

人七千餘口置江夏界中其後沔中蠻是也漢之江  
夏郡今

竟陵富水安陸齊安漢和帝永元十三年巫蠻許聖

等漢之巫縣今雲  
安郡巫山縣也以郡收稅不均反叛發荊州諸郡

兵今江陵夷陵豐陽武陵  
長沙衡陽等郡地也討破之復悉徙至江夏靈

帝光和三年江夏蠻復反寇患累年廬江太守陸康

討破之漢廬江即  
今郡地

### 板楯蠻

板楯蠻秦昭襄王時有一白虎於蜀巴漢之境傷害

千餘人昭王乃募有能殺虎者賞邑萬家時有巴郡

閬中夷今閬中  
郡縣廖仲等射殺白虎昭王以其夷人不

欲加封乃刻石盟要復夷人頃田不租十妻不筭

免其一頃田之租稅仲傷人者論殺人得以賒錢贖

死何承天纂文曰賒蠻夷  
贖罪貨也賒徒濫反盟曰秦犯夷輸黃龍二隻

製 複 許 不

NOT TO BE REPRODUCED

東京大学東洋文化研究所

夷犯秦輸清酒一鍾夷人安之至漢高帝為漢王發

夷人還伐三秦今關中秦地既定乃遣還巴中復其

渠帥羅朴督鶚度夕龔七姓不輸租賦餘戶乃歲入

口錢四千巴人呼賦為賓謂之賓人焉代號為板楯

蠻夷閬中有渝水其人多居水左右天性勁勇初為

漢前鋒數陷陣俗喜喜處歌舞高帝命樂人習之所

謂巴渝舞也遂代代服從至後漢以後郡守常率以

征伐靈帝光和三年巴郡板楯蠻叛今通州瀘山南

化雲安始寧巴川南濱南浦閬中南充寇掠三蜀及

漢中諸郡即漢川諸郡今漢中安靈帝乃問益州計

吏方畧漢中計程苞對曰板楯七姓以射殺白虎立

功先代復為羌人其人勇猛善戰昔安帝永初中華

入漢川郡縣破壞得板楯救之羌死敗殆盡故號為

神兵至桓帝建和二年羌復大入實賴板楯連摧破

之前車騎將軍馮緄吉本南征武陵亦倚板楯以成

其功近益州郡縣今漢川蜀太守李顯之亦以板

楯討而平之忠功如此本無惡心但長吏鄉亭更賦

至重僕役蕪筴過於奴虜闕庭悠遠不能自聞含怨

呼天叩心窮谷故邑落相聚以致叛戾非有謀主僭

號以圖不軌今但遣明能牧守自然安集不煩征伐

也帝從其言遣太守曹謙宣詔赦之即皆降服及漢

末天下亂自巴西之宕渠今符陽郡遷于漢中楊車坂抄



掠行旅號為楊車巴魏武克漢中李特祖將五百家歸之魏武又遷於畧陽北復號之為巴氏畧陽今天水郡龍城

縣蜀後主劉禪建興十一年涪陵屬國人夷反今涪陵

地車騎將軍鄧芝往討皆破平之其沔中蠻至晉時

劉石亂後漸得北遷陸渾以南滿於山谷宋時荊州

置南蠻校尉今江陵郡巴東夷陵雲安等郡地雍州置寧蠻校尉以

領之今襄陽南陽郡地如蠻人順附者一戶輸穀數斛其餘

無事宋人賦役嚴苦貧者不復堪命多逃亡入蠻蠻

無徭役強者又不供官稅結黨連群動有數百千人

州郡力弱則起為盜賊種類稍多戶口不可知也文

帝元嘉中天門今澧陽郡地漢中今宋矯之徭賦過重蠻

不堪命蠻田向求等為寇破漢中虜掠百姓及劉道

產善撫諸蠻前後不附官者莫不順服皆引出平土

多緣沔為居道產亡後蠻又反叛孝武帝出為雍州

特巴東今巴東郡建平今巴東郡宜都今夷陵郡天門四郡蠻為寇

諸郡人戶流散百不存一孝武即位後大明中西陽

蠻皆反叛沈慶之率江雍荊河州諸軍討破之江今

鄱陽章郡臨川廬陵等郡地雍帝順帝時尤甚雖

遣攻討終不能禁荊州為之虛弊齊高帝時武陵西

溪蠻田思飄武帝永明初黔陽蠻田豆渠武陵黔陽

也相川蠻陳雙李答並寇掠州郡討平之湘川今長

其後雍州蠻今同州義陽郡與後魏通助燕人桓天生



侵擾齊境六年除田駟路為試守北遂安左郡太守

田驢王為試守宜人左郡太守田何代為試守新平

左郡太守皆郢州蠻帥並漢沔間蠻也其左郡亦茲地焉郢州今江夏漢陽郡

後魏孝文太和中襄陽蠻酋雷婆恩率戶千餘內徙

求居太和川詔給廩食後開南陽全有沔北之地武今

當南陽漢東等郡蠻人安堵不為寇盜宣武帝景明初大陽

蠻酋田育丘等共二萬八千戶叛齊附魏詔置四郡

十八縣魯陽蠻今臨汝郡魯山縣也魯北鷲等聚眾萬餘攻逼

潁陽詔遣左衛將軍李崇討平之斬數千級徙萬餘

家於河北諸州及六鎮羣叛南走六鎮今單于府馬邑郡界所在

追討北及於河殺之皆盡梁武帝遣兵沿沔破掠諸

蠻又遣蔡令孫等二將步騎五千侵南荆之西沿漢

上下今襄陽郡之上武當郡以東地破畧諸蠻後魏遣蠻帥栢叔率

蠻夏二萬餘人擊之斬令孫等俘虜二千餘人其後

因六鎮秦今天水隴郡地隴今開陽郡地所在反叛荆今南陽淮安郡地

郢今汝南郡義陽郡蠻大擾動斷三鵝路今南陽郡安城縣北至臨汝郡至於

襄城今臨汝郡縣汝水處處抄劫百姓多被其害自後魏

與宋齊梁之時淮汝江漢間諸蠻渠帥互有所屬皆

受封爵焉及魏末為暴滋甚有冉氏向氏田氏者陬

落尤盛大者萬家小者千戶更相崇樹僭稱王侯屯

據三峽斷遏水路荆蜀行人至有假道者西魏文帝

大統十一年沔漢諸蠻擾動大將軍楊忠擊破之其



唐州蠻田魯嘉亦叛唐州今淮安郡自號荆河州伯遣王雄

討平之後周暉帝時蠻帥冉令賢向五子王等反攻

陷白帝今雲安郡武帝天和初詔開府陸騰斬之蠻眾大

潰斬首萬餘級騰乃積其骸骨於水邏城側為京觀

後蠻番見者輒大號哭自此狼戾之心輟矣信州舊

理白帝騰更於蜀先主故城南八陣之北臨江岸築

城移置信州又以巫縣信陵秭歸今雲安巴東二郡界並是硤

中要險於是築城置防以為襟帶焉按後漢史其在黔中五溪長沙

間則為盤瓠之後其在破中巴陵間則為廩君之後其後種甚繁盛侵擾州郡或移徙交雜亦不可得詳別焉

### 南平蠻

南平蠻北與涪州接部落四千餘戶山有毒草及少

風蝮蛇人並樓居登梯而上號為干欄其人美髮為

椎髻直上女多男少為婚之法女氏必先貨求男族

貧人無以嫁女多賣與富人為婢俗皆婦人執役其

王姓朱氏號為劍荔王大唐貞觀三年遣使入朝以

其地隸渝州

### 東謝

東謝渠帥姓謝氏南蠻別種在黔中之東地方千里

其俗無文字刻木為約巢居刀劍不離其身冠熊皮

披猛獸革酋長名元深代襲其一族不育女自云高

姓不可下嫁大唐貞觀三年元深入朝冠烏熊皮冠

若今之旄頭以金絡額身披毛帔韋皮行勝而着履

貞觀中開其地爲應州黔州都督府今黔中郡所

西趙

西趙蠻在東謝之南並南蠻別種其界東至夷子西至昆明南至洱河山洞深阻莫知里數南北十八日行東西二十三日行其風俗與東謝同趙氏代爲酋長有萬餘戶自古不臣中國大唐貞觀三年遣使入朝二十一年以其地置朝州以首領趙唐爲刺史

牂牁

牂牁渠帥姓謝氏舊臣中國代爲本土牧守隋末大亂遂絕大唐貞觀中其酋遣使修職貢勝兵戰士數萬於是列其地爲牂牁今黔中郡

交州

交州牂牁別部與牂牁隣境勝兵二萬今黔中郡大  
唐貞觀中朝貢列其地爲交州

獠

獠蓋蠻之別種往代初出自梁益之間自漢中達于  
邛笮川谷之間所在皆有北自漢中西南及越雋俗  
多不辯姓氏又無名字所生男女幼長次第呼之其  
丈夫稱阿暮阿改婦人阿夷阿等之類皆其語之次  
第稱謂也依樹積木以居其上名曰干欄干欄大小  
隨其家口之數往往推一酋帥爲主亦不能遠相統  
攝父死則子繼若中國之黨族也獠主各有鼓角一

雙使其子弟自吹擊之好相殺害多仇怨不敢遠行  
性同禽獸至於忿怒父子不相避唯手有兵刃者先  
殺之若殺其父走避於外求得一狗以謝其母然後  
敢歸母得狗謝不復嫌恨若報怨相攻擊必殺而食  
之通相劫掠不避親戚賣如猪狗而已亡失兒女一  
哭便止被賣者號叫不服逃竄避之乃將買人捕逐  
若亡叛獲便縛之但經被縛者即服爲賤隸不敢更  
稱良矣唯執楯持矛不識弓矢用竹爲簧群聚鼓之  
以爲音節爲紉布色至鮮淨大狗一頭買一牲口性  
尤畏鬼所殺之人美鬚髯者必剝其面皮籠之於竹  
及燥號之曰鬼鼓舞祀之以求福利俗尚淫祀至有

賣其母其妻祭盡者乃自賣以供祭焉鑄銅爲器大

口寬腹名曰銅嬰既薄且輕易於熟食蜀本無僚晉

李勢時諸僚始出巴西渠川廣漢陽安資中犍爲梓

潼今蜀川布在山谷十餘萬落攻破郡縣爲益州大

患自桓温破蜀之後力不能制又蜀人東流山險之

地多空僚遂挾山傍谷與人叅居叅居者頗輸租賦

在深山者乃爲匪人至梁武帝梁益二州今漢川蜀

歲歲伐僚以自裨潤公私頗籍爲利後魏宣武帝正

始初將夏侯道遷舉漢中附魏宣武帝遣尚書邢巒

爲梁益二州刺史以鎮之其後以梁益二州控攝嶮

遠乃立巴州在今清化部以統諸僚後以巴酋嚴始欣



為刺史又立隆城鎮隆所管僚二十萬戶所謂北僚也歲輸租布魏明帝孝昌初據城叛八梁益二州並遣將討之攻階巴州執始欣斬之後梁州為梁氏所陷今漢中郡自此又屬梁矣後周武帝平梁益達奚武尉令所在撫慰其與華人雜居者亦頗從賦役然天性暴亂旋致擾動每歲命隨近州鎮出兵討之獲其生口以充賤隸謂之厭僚焉復有商旅往來者亦資以為貨公卿達于庶人之家有僚口者多矣其種類滋蔓保據巖壑依林走險若履平地性又無知殆同禽獸諸夷之中最難以道義招懷也

夜郎國

夜郎國今夜郎播州漢時西南夷君長以十數夜郎最大在蜀郡徼外東接交趾西隣滇國今雲南其

國隣牂牁江江廣數里出番禺城下戰國時楚頃襄王遣將莊蹻從

沅水伐夜郎軍至且蘭採船於岸而步戰既滅夜郎因留王滇地以且蘭有採船牂牁處乃改其名為牂牁牂牁今南海郡城南江其地多雨潦俗好巫鬼禁

忌寡畜產又無桑蠶故最貧迫鈎町有桄榔木可以為麵百姓資之鈎町漢以為縣屬牂牁郡武帝時唐

蒙上書曰竊聞夜郎精兵可得十餘萬浮船牂牁江出不意此制南越奇兵也乃拜蒙為郎中遂見夜郎

侯蒙厚賜諭以威德夜郎貪漢繒帛以為漢道險終不能有也乃且聽蒙約還報乃以為捷為郡今捷為陽安仁



壽通義和義發巴巴郡今通州等十郡今蜀資陽皆其地也五郡地已具上注蜀卒蒙陽唐安

臨邛廬山等郡亦曰蜀川理道自焚道指牂牁江蜀人司馬相如

亦言西夷邛笮可置郡今越雋郡地帝使相如往諭皆如

南夷為置一都尉十餘縣屬蜀郡當是時巴蜀四郡

漢中廣漢巴郡今漢川巴川蜀川地也通西南夷道成轉相饒字數

歲道不通士罷餓惟濕羅音皮羅遭也死者甚衆夷又數反

發兵興擊耗費無功帝患之使公孫弘往視問焉還

言其不便時方築朔方據河逐胡弘因數言西南夷

為害通西南夷大為損害可且罷專力事匈奴上罷西夷獨置

南夷兩縣一都尉及元狩元年張騫言使大夏時見

蜀布邛竹杖問所從來曰從東南身毒國即天竺也可數

千里得蜀賈人市或聞邛西可二千里有身毒國於

是乃令王然于間出西南夷往身毒國至滇道皆為

昆明所閉昆明在今越莫能通身毒及南越反上使

發南夷兵且蘭君小邑乃與其眾反漢發巴蜀校尉

擊破之遂平南夷為牂牁郡今涪州夜郎夜郎侯始

倚南越越滅恐懼遂入朝封為夜郎王昭帝始元中

牂牁談指同並等二十四邑凡三萬餘人皆反並音

指同並後皆為遣水衡都尉發蜀郡犍為兵擊牂牁

縣屬漢牂牁郡大破之後姑繒葉榆人復反鈞町侯亡波率其人擊

之有功漢立亡波為鈞町王至成帝河平中夜郎王

興與鈞町王禹漏卧侯俞漏卧侯邑名後更舉兵相



攻牂牁太守請發兵誅興等漢以道遠不可擊遣太  
 中大夫張匡持節和解並不從杜欽說王鳳曰張匡  
 和解蠻夷王侯王侯不從不憚國威其效可見恐議  
 者選與復守和解選與怯懦不前之意太守察動靜  
 有變廼以聞如此則復曠曠空也一時三月言  
 王侯得收獵其衆申固其謀黨助衆多各不勝忿必  
 相殄滅自知罪成狂犯守尉言起狂悖之遠藏温暑  
 毒草之地雖有孫吳之將賁育之士若入水火往必  
 焦沒智勇俱亡所設施屯田備守之費不可勝量宜  
 因其罪惡未成未疑國家加誅陰勅旁郡守尉練士  
 馬大司農先調穀積要害處調發也要害者在選任

職太守往以秋涼時入誅其王侯尤不軌者即以爲

不毛之地亡用之人聖王不以勞中國即猶若也不

不宜罷郡放棄其人絕其王侯勿復通如以先帝所

立累代之功不可隳壞亦宜因其萌芽早斷絕之及

已成形然後師興則萬姓被害矣鳳於是薦陳立爲

牂牁太守至牂牁廼從吏數十人出行縣召興與將

數千人往立數責因斷興頭出曉其衆皆釋兵降興

子邪務收餘兵迫脅旁二十邑反立又擊平之公孫

述時大姓龍傳尹董氏與郡功曹謝暹保境爲漢乃

遣使從番禺江奉貢番禺江今光武嘉之並加褒賞

桓帝時命人尹政乃從汝南許慎應奉受經書學成



還鄉里教授自是南城始有學焉政官至荊州刺史

後漢史云有女子浣於澗水有三節大竹流入足間剖之得一男兒養之及長自立為夜郎侯以竹為姓武帝元鼎中置牂牁郡夜郎侯迎降天子賜其王印綬後遂殺之夷獠咸以竹王非血氣所生甚重之求為立後牂牁太守吳霸以聞天子乃封其三子為侯死配食其父按范曄所撰乃引華陽國志又按漢書其夜郎侯封王不言殺之至成帝時猶謂之夜郎王曄焉得云竹王被殺後封其子為侯與班史全乖角宜華陽國志為恠也大抵范曄著述多稱詭異若無他書何以辯正則因習纂錄不復刊革云

滇

滇者漢時在夜郎之西靡莫之屬滇最大靡莫西南

滇音始楚頃襄王使將軍莊躋躋即莊王之苗裔居畧反將兵循

江上畧巴黔以西巴國今清化始寧咸安符陽巴躋州南賓南浦是其地黔則黔中躋

至滇池方三百里在今雲南郡其澤在西北水源深廣末更淺狹如倒流故曰滇池

旁平地肥饒數千里池旁之地以兵威定屬楚欲歸報會

秦擊楚巴黔中郡道塞不通因而以其眾王滇變服

從其俗以長之為其長帥也按史記及漢書皆云楚威王時將兵畧地屬秦陷巫黔中郡道塞不還凡經五十二年豈得如此淹久或恐史記謬誤班生因習

便書范曄所記詳考為正又按莊躋王滇後十五年頃襄王卒考烈王立二十五年幽王立十年王負芻立五年而楚滅後十五年而秦亡凡七十年何故云躋之王滇後十餘歲而秦亡斯又未之詳也至

武帝時滇王有眾數萬人元封二年發巴蜀兵臨滇

滇王舉國降請置吏入朝於是以為益州郡今雲南郡

滇王玉印長復其人武帝割牂牁越雋各數縣配之

後數年復并昆明地皆以屬之





西南夷君長以百數獨夜郎滇受王印滇小邑也最  
 寵焉後王莽篡位改漢制貶鈞町王為侯蠻夷盡反  
 莽遣平蠻將軍馮茂發巴蜀犍為吏士賦取足於人  
 以擊益州出入三年疾疫死者什七巴蜀騷動更遣  
 寧始將軍廉丹大發天水隴西騎士廣漢蜀犍為吏  
 人十萬轉輸者合二十萬人擊之不能尅而還公孫  
 述據益土文齊為太守亦固守拒述後漢初遣使朝  
 謁建武十八年夷渠帥棟蠶與姑復葉榆檉棟連然  
 滇池建伶昆明諸種反叛殺長吏漢姑復縣屬越雋  
 郡餘六縣並屬益  
 州郡也並在今越雋雲南郡地遣武威將軍劉尚等發廣漢犍為蜀  
 人及朱提夷擊之尚軍遂渡瀘水入益州郡界瀘水  
 一名

若水牛徽外經朱提至焚道  
 入江在越雋郡南時有瘴氣群夷聞大兵至皆棄

壘奔走尚獲其羸弱合畜斬棟蠶帥凡首虜萬餘人

諸夷悉平至蜀後主建興二年諸葛孔明率眾南征

四郡平之改益州郡為建寧分建寧永昌今雲南  
 郡地為

雲南郡又分建寧牂牁為興古郡亮至南中所戰皆  
 捷孟獲者為夷漢

所服募生致之既得使觀於營陣之間問曰此軍何  
 如獲曰不知虛實故敗定易勝耳亮縱使更戰七縱  
 七擒而亮猶遣獲獲止去曰公天威也南人不復反  
 矣遂至滇池南中平皆即其渠率而用之或以諫亮  
 亮曰若留外人即留兵兵留即無食一不易也夷新  
 傷破父兄死喪留外人而無兵者必成禍患二不易  
 也又吏累有廢殺之罪自嫌釁重若留外人終不相  
 信三不易也今吾欲使汝不留兵不運糧而綱紀遂  
 定夷漢相安故耳

印都

印都漢時自滇以北君長十數印都最大今越雋郡本其地

自夜郎滇印都人皆推髻左衽邑聚而居知耕田其

外西曰桐師以東北至葉榆葉榆名為雋昆明雋即今越

雋郡昆明在西南諸爨所居地方數千里無君長辨髮隨畜遷徙

無常武帝開以為印都縣屬越雋郡無幾而地陷為

汗澤因名為印池南人以為印河其人後復反叛元

鼎六年漢兵自越雋水伐平之雋水源出今越雋郡西南雋山下其

土地平原有稻田俗多遊蕩而喜謳歌畧與犍牂相

類豪帥放縱難得制御王莽時郡守牧根牧根太調守姓名調

印人長貴以為軍侯更始二年長貴攻殺牧根自立

為印穀王至光武因就封之授越雋太守印綬後劉

尚擊益州夷路由越雋長貴聞之即聚兵欲襲尚尚

掩長貴誅之徙其家屬於成都安帝時永昌益州蜀

郡夷並今雲南郡皆叛衆十餘萬破壞二十餘縣益州刺

史張喬乃遣從事楊竦將兵至葉榆破之渠帥三十

六種皆來降附竦因奏長吏姦猾侵犯蠻夷者九十

人皆減死論

### 梓都

梓都者漢時自越雋以東北君長以十數徙徙漢為縣屬蜀

郡梓都最大武帝開以為梓都縣其人被髮左衽言

語多好譬類居處畧與汶山夷同汶山夷在蜀郡西北即冉隴也今通

化元鼎六年以為沉黎郡源今洪郡至天漢四年并蜀為

西部置兩部尉一居旄牛主徼外夷一居青衣主漢人旄牛青衣並今蜀郡之西後漢明帝永平中益州刺史朱輔慷慨有大畧宣示漢德威懷遠夷自汶山以西前代不

至正朔所不加白狼槃木唐敢等百有餘國戶有三十餘萬舉種奉貢稱為臣僕和帝永光十二年旄牛

徼外白狼樓薄蠻夷王唐繒等遂率種十七萬戶口內屬安帝永和元年蜀郡三襄種夷與徼外汗澹種

反叛攻蠶陵城蠶陵漢縣今臨翼郡地在蜀郡之西汗音烏許呼五反殺長吏

二年青衣道夷邑長令田各姓田與徼外三種夷三十一萬口舉土內屬後旄牛夷叛攻零關零關道屬漢越雋即

今益州刺史張喬與西部尉擊破之於是分置蜀郡屬國都尉領縣四如太守

冉驪

冉驪漢時自梓以比君長十數冉驪最大其俗土著

或隨畜遷徙在蜀西武帝元鼎六年以為汶山郡今蜀郡西北通化郡地至宣帝地節三年夷人以立郡賦重帝乃

省并蜀郡為北部都尉其山有六夷七卷九氏各有部落其王侯頗知文書土氣多寒雖在盛夏水猶不

釋皆依山居止累石為室高者至十餘丈為叩籠今彼土夷人呼為彫又土地剛鹵不生穀粟麻菽唯以麥為資而

宜畜牧有旄牛無角一名犗牛肉重千斤毛可為毼犗徒冬反毼音毛出名馬有羴羊可療毒又有食藥鹿鹿麀

有胎者其腸中有糞亦療毒疾又有五角羊其西又有三河槃于虜北有黃石地北盧水胡其表乃爲徽外後漢靈帝時復分蜀郡北部爲汶山郡蜀後王建興十年汶山平康夷反姜維討破之

### 附國

附國隋代通焉在蜀郡西北二千餘里即漢之西夷也有嘉良夷即其東部所居種自相率領不能統一土俗與附國同言語少殊其人並無姓氏其地南北八百里東西四千五百里無城柵近川谷傍山險俗好復讐故疊山爲礮與巢字同而居以避其患其礮高至十餘丈一至五六丈狀似浮圖於下級開小門從內

土通夜必關閉有二萬餘家弓長六尺以竹爲弦妻其群母及嫂兒弟死父兄亦納其妻好歌舞鼓簧吹長笛有死者無服制置屍於高床上沐浴衣服以牟甲覆以獸皮子孫不哭帶甲舞劍而呼云我父爲鬼所取我欲報寃殺鬼其俗以皮爲帽形圓如鉢或戴羸羸衣多毛毼胡裘全剥牛脚皮爲鞞項繫鐵釧王與酋帥金飾首胸前懸一金花徑三寸其土高氣候涼多風少雨土宜小麥青斜山出金銀多白雉水有嘉魚長四尺而鱗細煬帝大業四年其王遣子弟宜林率嘉良夷六十人朝貢嘉良有水濶六七十丈附國水濶百餘丈並南流用皮爲舟而濟附國南有薄



緣夷風俗亦同西有女國其東北連山綿亘數千里  
接党項及諸羌按其地接汶山故爲附焉

### 哀牢

哀牢後漢時通焉其先有婦人名沙壹居于牢山嘗  
捕魚水中觸沉木若有感因懷妊十月產男子後沉  
木化爲龍出水因砥其男之背其母鳥語謂背爲九  
謂坐爲隆因名曰九隆後漸相滋長種人皆刻畫其  
身象龍文衣背著尾九隆代代相繼乃分置小王往  
往邑居散在谿谷絕域荒外山川阻深生人以來未  
嘗交通中國光武建武中其王賢粟等遂率衆人戶  
二千七百詣越雋太守鄭鴻降求內屬帝封賢粟等

爲君長自是歲來朝貢明帝永平中哀牢王柳豸遣

子率種人內屬其稱邑王者七十人戶五萬一千八

百九十四界去洛陽七千里明帝以其地置哀牢博

南二縣今雲南越雋之西割益州郡西部都尉所領六縣後漢

六縣謂不韋雋唐北蘇葉榆耶龍雲南並今雲南越雋西今爲永昌郡即今雲南郡始

通博南山渡蘭倉水華陽國志曰博南縣西山高三十里越之得蘭倉水行者

苦之歌曰漢德廣開不賓度博南越蘭津渡蘭倉爲

他人哀牢人皆穿鼻儋儋于耳反其渠帥自謂王者耳

皆下有三寸人庶則至肩而已土地沃美宜五穀糞

桑染綵文繡蘭干細布華陽國志曰蘭干僚言紵也織成文章如

綾錦有梧桐木華績以爲布廣志曰梧桐有白者其華有白者

取毳淹績 幅廣五尺潔白不受垢汙先以覆亡人然

後服之其竹節相去二丈名曰濮竹出銅鐵鉛錫金

銀光珠博物志曰光琥珀水晶琉璃軻蟲蚌珠孔雀

翡翠犀象猩猩貘獸山海經云猩猩知人名據華陽

其血可以染朱荀卿子曰猩猩能言笑淮南萬畢

術曰婦終知來猩猩知往注云並神獸也後魏鄴元注

水經云武平郡封溪縣有獸名猩猩後楚太原王綱著

黃姿顏端正能學人語聞者無不酸楚太原王綱著

傳云阮研為使封溪見邑人說猩猩好酒及履里人

置之山谷常行路百數為群見酒物等知人設張取

捨爾去也既去復還因相呼曰試共嘗酒及飲乃其

其味遠半醉皆擒之無遺逸遂置檻中隨其所欲飼

之將烹索其肥者乃自推擇泣而遣之又禮記云猩

狸能言廣志云猩猩惟聞其啼不聞其言出交趾郡

封溪縣按前代永昌郡即今之雲南郡武平郡即今

之安南府並封畧之內古謂其靈而智不因人教而

解人語殊為珍異秦漢以降天下一家即嶺南獻能

言鳥及馴象西域獻汗血馬皆載之史傳以為奇物

復廣異聞聲教遠覃如越裳白雉之類故彰示後代

則致之固難也王莽置漢孺子於四壁中禁人與語

及長不能名六畜猩猩若非靈異自解人語即頃因

教方成又不可容易而為庖膳也是知諸家所說不

加考覈遞相祖述耳佑以為廣志尤足徵矣永昌太

血染朱芻徧問胡商元無此事故詳而疏之

守鄭純為政清潔化行夷人與哀牢夷人約邑豪歲

輸布貫頭衣二領鹽一斛為常賦夷俗安之大唐麟

德元年五月於昆明之枿棟川置姚州都督府每年

差兵募五百人鎮守武太后神功二年閏十月蜀州

刺史張柬之上表曰姚州者古哀牢之舊國本不與

中國交通前漢唐蒙開夜郎滇窄而哀牢不附至光

武季年始請內屬漢置永昌郡以統理之稅其鹽布



種芻以利中土其國西通大秦南通交趾竒珍進貢  
歲時不闕及諸葛亮五月渡瀘收其金銀鹽布以益  
軍儲使張伯岐選其勁卒以增武備前代置郡其利  
頗深今鹽布之稅不供珍竒之貢不入而空竭府庫  
驅率平人受役夷蠻肝腦塗地漢以得利既多歷博  
南山涉蘭倉水更置博南哀牢二縣蜀人愁怨行者  
作歌蓋漢得其利人且怨歌今於國家無絲髮之利  
在百姓受終身之酷往者諸葛亮破南中使其渠帥  
自相統領不置漢官亦不留鎮守臣竊以亮之策妙  
得羈縻夷蠻之術今姚府置官既無安邊靜寇之心  
又無葛亮且縱且擒之術唯知詭謀狡筭恣情割剝

會發劫掠積以爲常扇動酋渠遂成朋黨提挈子弟  
嘯引兇愚今見散亡彼州專以掠奪爲業姚州本武  
陵縣主簿石子仁奏置之後長史李孝讓辛文協並  
爲群蠻所殺又使將軍李義總往征郎將劉惠在陣  
戰死其州遂廢即諸葛亮稱置官留兵有三不易之  
言遂驗垂拱四年南蠻郎將王善寶昆州刺史夔乾  
福又請置州奏言所有課稅自出姚府管內更不勞  
擾蜀川及置州後錄事參軍李滌爲蠻所殺延載年  
中司馬成琛請於瀘南置鎮七所遣蜀兵防守自此  
蜀中騷擾于今不息伏乞省罷姚州使隸駕府歲時  
朝覲同之蕃國瀘南諸國悉廢於瀘北置關百姓非

奉使入蕃不許交通往來疏奏不納

### 焦僥國

焦僥國後漢時通焉明帝永平中西南夷焦僥貢獻安帝永初中永昌徼外焦僥種夷陸賴等三千餘口舉種內附獻象牙水牛封牛其人長三尺穴居善游鳥獸懼焉其地草木冬落夏生

### 禪國

禪國後漢時通焉和帝永元中其國王雍田調遣譯奉國珍寶和帝賜金印紫綬安帝永寧初復遣使朝賀獻樂及幻人能變化吐火自支解易牛馬頭又善跳丸數乃至十自言我海西人海西即大秦也禪

國西南通大秦明年元會安帝作樂於庭封雍田調為漢大都尉

### 西爨

西爨者南寧之渠帥梁時通焉自云本河東安邑人七葉祖事晉為南寧太守屬中原亂遂王蠻夷梁元帝時南寧州刺史徐文盛徵詣荊州有爨瓚者遂據南寧之地延袤二千餘里既死其子震翫統其衆大唐武德初拜翫子弘遠為昆州刺史令持其父屍歸葬本鄉段綸又遣俞大施至南寧諭之由是部落歸欸三年七月遣使貢方物

### 昆彌國



昆彌國一曰昆明西南夷也在爨之西洱河為界即  
葉榆河其俗與突厥畧同相傳云與匈奴本是兄弟  
國也漢武帝得其地入益州部其後復絕諸葛亮定  
南中亦所不至大唐武德四年雋州洽中吉弘使南  
寧因至其國諭之至十二月遣使朝貢貞觀十九年  
四月右武侯將軍梁建方討蠻降其部落七十二戶  
十萬九千三百

### 尾濮

尾濮漢魏以後在興右郡今雲南郡地西南一千五百里

徼外其人有尾長三四寸欲坐輒先穿地為穴以安  
其尾尾折便死居木上食人俗又噉其老者唯識母

而不識父其俗有賓客殺老以供厨故賓婚有日老  
者必泣其地有稷及陸稻多鹽井饒犀象有弓矢革  
鎧以赤徠猴皮垂錫珠翡翠為冠幘按木濮即尾濮  
也又扶南土俗傳云拘利東有蒲羅中人皆有尾長五六寸其俗食人按其地並西南蒲羅蓋尾濮之名地

### 木綿濮

木綿濮土有木綿樹多葉又生房其繁房中綿如蚕  
所作其大如捲音拳

### 文面濮

文面濮其俗劓面而以青畫之劓音讒

### 折腰濮

折腰濮其俗生子皆折其腰

赤口濮

赤口濮在永昌之南其俗折其齒剗其唇使赤又露身無衣服

黑黠濮

黑黠濮在永昌西南山居耐勤苦其衣服婦人以一幅布為裙或以貫頭丈夫以穀皮為衣其境出白蹄牛犀象琥珀金桐華布又諸濮之域皆出楛矢爾雅曰南至於濮鈗周書王會卜人丹沙注云卜人西南之蠻丹沙所出今按卜人蓋濮人也按諸濮與袁牢地相接故附之

松外諸蠻

松外諸蠻大唐貞觀末為寇遣兵從西洱河討之洱音

二其西洱河從雋州西千五百里其地有數十百部落大者五六百戶小者二三百戶無大君長有數十姓以楊李趙董為名家各據山川不相役屬自云其先本漢人有城郭村邑弓矢矛鋌言語雖小訛外大畧與中夏同有文字頗解陰陽曆數自夜郎滇池以西皆云莊躡之餘種也其土有穀麥粟豆種穫亦與中夏同而以十二月為歲首菜則葱韭薤菁果則桃李柰有絲麻女工蠶織之事出純絹絲布幅廣七寸以下早蠶以正月生二月熟畜有牛馬猪羊鷄犬飯用竹筴搏之而噉羹用象杯形若鷄羹有船無車

男子以氈皮為帔女子絕布為裙衫仍披氈皮之帔  
頭髮有髮一盤而成形髮反阻瓜男子皆跣至於死喪  
哭泣棺槨斂無不畢備三年之內穿地為坎殯於  
舍側上作小屋三年而後出而葬之蝨蚌封棺令其  
耐濕父母死者斬衰布衣遠者至四五年近者二三  
年然後即吉其被人殺者喪主以麻結髮而黑其面  
衣裳不緝唯服內不廢婚嫁娶妻不避同姓其俗有  
盜竊殺人淫穢之事酋長即立一長木為擊鼓鼙  
共會其下強盜者眾共殺之若賊家富強但燒其屋  
宅奪其田業而已

杜氏通典卷第一百八十七終

杜氏通典卷第一百八十八

邊防四 南蠻下

嶺南序畧 嶺南蠻條附

海南序畧

黃支

哥羅

林邑

扶南

頓遜

毗騫

干陀利

狼牙脩

婆利

槃槃

赤土

真臘

羅刹

投和

丹丹

邊斗

杜薄

薄刺

敦茨

火山

無論

婆登

烏篤

陁洹